

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vanden af-laet.

urn:nbn:de:hbz:466:1-39385

Heeft meerder cracht dan de ghene die wy van
selfs aen-beerden.

M. En wordt ons de gheheele pijne, die wy veur
onse ghebiechte sonden verdient hebben,
niet altijds vergheuen deur de penitentie,
die ons de Biecht-vader gheeft?

D. Neen-sy: want die penitentie is ghemeypnelijck
minder dan de sonden verdienien: nochtans nemt
sy daer al-tijdt wat af/ nae dat sy swaer is/ ende
ons verouw groot/ ende onse liefde vierigh.

M. Waer deur vol-doet dan de mensche veur
dese rest?

D. Deur aelmoessen/bidden/basten/ ende andere
pijnelicke wercken/ deur sieckten ende andere tri-
bulatien patientelijck te verdraghen die Godt den
mensche ouer-sendt / om hem veur syne sonden te
straffen ende daer af te supueren.

M. V Vaer deur noch meer?

D. Deur den af-laet.

M. VVat is af-laet?

D. T'is een gifte/ waer deur de Stadt-houder
Christi de gheloouighen/ van de gheheele tyde-
lijcke pijne/ oft van een deel daer af/ die sy veur
hunne sonden souden hebben moeten lyden/ ont-
staet: veur hen-lieden mildelijck uyt den schat der
H. Kercken betalende/ met de verdiensten Christi
ende syner Heplighen. Want als Christus sunte
Peeter de sleutels des hemels gaf/ soo heeft hy
hem oock de maght ghegeuen alle letsels van den
in-gangh inden hemel wegh te nemen.

M. Wat isser van noode, om desen te verdienen?

D. 1. Men moet wesen sonder dood-sonde/ in den
staet der gratien. 2. men moet vol-brenghen dat
de Stadt-houder Christi in-ghestelt heeft te doen.

M. VVaer vol-doen sy , die steruen eer sy voldaen hebben veur de pijnen die sy veur hunne sonden verdienden?

D. In't Vaghe-vier.

M. Wat is het Vaghe-vier ?

D. T'is een plaetse / daer de sielen nae dit leuen vol-doen veur hunne daghelycksche sonden / daer sy mede verscheyden zijn / oft veur de reste der penitentien oft pijnen veur hun ghebiechte doodsonden / die sy in dit leuen niet vol-daen en hebben.

M. Waer deur vol-doetdmen in't Vaghe-vier ?

D. Deur pijn te lijden.

M. Is die pijn groot ?

D. Soo groot / dat-se te bouen gaet alle pijn des wereldts : iae sommighe meynen / dat eenighe van die niet minder en is / als sommige pijnen der hellen. Daerom wordtse oock van S. Pauwels vier ghenoemt / om de grootheydt te kennen te gheuen.

M. Wanneer worden sy daer uyt verlost ?

D. Als sy vol-daen hebben deur de pijnen hen van Gode in-ghestelt.

M. Can men hen-lieden helpen ?

D. Iae (nae de leeringhe der Schriftuere) met bidden / aelmoessen / vasten / ende andere werkken van penitentie : maer by-sonder deur het sacrificie der Missen / dat ons de heylighhe Apostelen gheleert hebben veur d'ouer-iedene Gode te offeren.

Van